



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola S. Ioannis Chrysostomi Ad Innocentivm Papam. Rogat pontificem
vt suos persecutores censurae ecclesiasticae subiiciat, se vero iustum
iudicium subire paratum, insontem iudicet, & ecclesiae ...

urn:nbn:de:hbz:466:1-14918

EPISTOLA

S. IOANNIS CHRYSOSTOMI
AD INNOCENTIVM PAPAM.

Rogat pontificem vt suos persecutores censuræ ecclesiasticæ subiiciat, se vero iustum iudicium subire paratum, insontem iudicet, & ecclesiæ suæ restituat.

Innocentio episcopo Romæ, domino meo reuerendissimo, pientissimoque, Ioannes in Domino salutem.

ETIAM antequam redditæ sunt literæ nostræ, opinor pietatem vestram audiuisse, quidnam hic patrare aufa fuerit iniquitas. Ea enim rerum est magnitudo & gruitas, vt nulla ferme orbis pars relicta sit, quæ tristem hanc tragœdiam non audierit. Quandoquidem fama usque ad fines terræ perlata, plurima ubique lamenta & eiulatus excitauit. Verum quia non satis est plangere, sed opus etiam vt cura geratur, & spectetur qua ratione, & quo consilio grauissima illa ecclesiæ tempestas sedetur. Proinde necessarium esse duximus, vt persuadeatur Demetrio, Pansophio, Pappo, & Eugonio, dominis meis maxime venerabilibus, piisque episcopis, relictis negotiis propriis, pelago se committere: suscepitaque longinqua peregrinatione hac, ad vestram properare caritatem, de omnibus vos manifeste docentes, quo quantocius rebus succurratur. Misimus autem cum eis venerabiles dilectosque diaconum Paulum & Cyriacum, qui & ipsi, quæ facta sunt, caritati vestræ exponent: & nos quoque paucis, in epistolæ forma docebimus. Theophilus ille, qui Alexandrinæ ecclesiæ episcopatum regendum suscepit, cum a pientissimo rege, cui aduersus illum quædam nuntiata erant, iussus esset venire solus, collecta multitudine episcoporum non paucorum, huc venit: quo præludio, quasi declarare volebat, se ad bellum & ad aciem pergere. cumque in magnam, diuinoque cultui deditam urbem Constantinopolim ingressus esset, iuxta consuetudinem & constitutionem hactenus obseruatam, non intravit ad ecclesiam, neque ad nos accessit, neque participem se fecit, vel sermonis, vel precum, vel communio-

Concil. Tom. 4.

K

nis: sed egressus e naui, & prætercursis ecclesiæ vestibulis, alicubi extra urbem diuersatus est, tametsi nos plutimum obsecraremus & ipsum, & eos qui cum ipso erant, vt apud nos diuerterent. Erant enim diuersoria, & omnia alia quæ oportebat, bene instructa. At neque illi, neque ipse nobis morem geregant. Vnde nos ea videntes valde consternabamur animo: & quamuis iniustarum illarum inimicitarum causam nullam inuenire possemus, nihilo minus tamen officium eis, quod illi nobis debebant, impendimus. Nam iterum atque iterum eum obsecrauimus, vt se nobis coniungeret, ac diceret cuius gratia, statim ab initio tantum excitaret bellum, tantamque urbem seditiosam ficeret. Verum, cum ille causam dicere nollet, neque vrgerent accusatores eius: vocauit nos rex pientissimus, & iussit vt iremus ad locum in quo ille agebat, reique sumiam ab eo audiremus. Nam infidias, & cædes, & alia plurima causabantur. Nos autem scientes leges patrum, viroque honorem habentes, habentes etiam super hac re eius literas: Oportere in quibusque prouinciis sua negotia tractari, transmontanofque ad nostra iudicia non trahendos; fortiter detrectauimus, ne causam suscipieremus iudicandam. Porro ille sicut & prius nobis obluctari coepit, & multa auctoritate vocato archidiacono meo, quasi iam ecclesia viduata esset, ac episcopum non haberet, clerum omnem sibi per illum adiunxit: factæque sunt ecclesiæ seditiosæ, & e singulis ecclesiis adducebantur clerici, & instruebantur, vt nos accusarent, & libellos aduersus nos producerent. Post hæc vocauit & nos ad iudicium, nondum dilutis quæ aduersum se erant causis, id quod contra omnes Canones & leges est. Porro nos scientes, quod non ad iudicium, sed ad hostem & inimicum perrecturi essemus, (id quod satis declarant, quæ prius ac postea sunt facta) misimus ad eum episcopos, Demetrium episcopum Pisinatum, Eleusium Apamiae, Lupinum Apiariæ: presbyteros autem, Germanum & Seuerum, qui congrua lenitate responderent, ac dicerent: Non vitare nos iudicium, sed inimicum apertum, & hostem manifestū. Nam qui nondum acceptis libellis statim ab initio talia fecit, & seipsum abstraxit ab ecclesiæ precibus & communione, & insu-

per accusatores subornauit, clerum ad se traxit, ecclesiam desolauit : quomodo idoneus censeri possit huiusmodi, vt in iudicis thronum consendat sibi minime congruentem ? Neque enim congruum est , vt hi qui in Ægypto sunt, iudicent eos qui in Thracia , & præsertim ille qui ipse reus est, inimicus & hostis. At ille nihil horum reue ritus, magno studio anhelabat, vt perficeret ea quæ mente conceperat. Cum autem contestaremur paratos nos ad diluendum crimina, & ad innocentiam, sicut & innocentes sumus, declarandam, coram centum, vel mille episcopis ; non assensit : sed licet absentes essemus , & ad Synodū appellaremus, & iudicium inquireremus, & non auditorium, sed manifestas inimicitias fugeremus ; ipse tamen accusatores suscepit , meos excommunicauit, & de illis, qui nondum se de suis purgauerant criminibus, libellos collegit : quæ omnia legibus & Canonibus prohibita sunt. Et quid opus est multum dicere? non destitit omnia facere & tractare, donec nos vi, & potentia ciuitate & ecclesia eiiceret, etiam in prouæcta vespera, & vniuerso populo nos attrahente. Tractus igitur vi & abductus a magistratu ciuitatis, in media ciuitate, & in nautum coniectus per noctem nauigauit, eo quod ad Synodum & iustum iudicium prouocaram. *Quis hæc sine lacrymis, etiamsi cor lapideum habeat, audiret?* Verum si cut prius dixi, ea, quæ perperam fiunt, non solum deplo randa, sed & corrigenda sunt : & ideo caritatem vestram obsecro, vt prouocetur ad condolendum, faciendumque omnia, quo mala hæc fistantur. Neq; enim hic facinorum illius finis ; sed ad priora adiecit & alia. Nam postquam eos qui ecclesiam inuaserant pientissimus rex eiecit , & multi episcopi qui aderant cognoscentes iniuriam, & fugientes insidias illorum, quasi incendium depascens omnia, in suas regiones concesserunt, nosque iterum in urbem & in ecclesiam, a qua eieci eramus, vocati sumus, inducentibus nos episcopis supra triginta , & notario a rege pientissimo in hoc misso ; ille statim aufugit , eo quod ingressi mox obsecramus Christianissimum regem, vt Concilium cogeret , quo facta hæc iustificantur. Male conscius enim sibi erat, & reprehensionem perti mescens ; & idcirco cum regis literæ in omnia loca mit-

Concil. Tom. 4.

K ij

terentur, & vnde quaque omnes congregarentur, occul-
te, mediaque nocte, & ipse & sui consensu navi elapsi
sunt. Porro, utpote conscientia nostræ fidentes, non
propterea destitimus, sed eadem iterum a Christiano
rege rogauimus. Qui & pro sua pietate, missis ad illum
nuntiis, eum & omnes qui cum eo erant ex Ægypto vo-
cauit, ut rationem factorum redderent: neque sufficere
putarent ad defensionem, quæ attenterant ex una parte
absentibus nobis, tam iniuste contra tot ac tantos Cano-
nes. Atqui regis literis ille non obtemperauit, sed do-
mi mansit, prætexens seditionem populi, & intempesti-
uam festinationem: tametsi etiam illic erant qui ei relu-
ctabantur: & populus quoque ante literas conuiciis eum
innumeris abluerat. Verum hæc nos exacte prosequi no-
lumus, summatim nefarios illius conatus ostendentes.
Itaque nos non quietuimus, sed in hoc incubuimus, oran-
tes regem, ut haberetur iudicium, in quo agere, & re-
spondere liceret. Dicebamus enim nos paratos ad osten-
dendum nos non esse reos, sed illos legum extemos trans-
gressores. Erant autem reliqui hic Syri, qui cum eo adfue-
rant, & communiter omnia fecerant: ad quos etiam ac-
cessimus, ad dandam rationem parati: atque super ea re-
sæpe eos interpellauimus, obsecrantes, ut dignentur no-
bis libellos & commentarios accusationum dare, vel ge-
nus criminum, vel accusatores ipsos significare. Verum
nihil horum obtinuimus: iterumque ex ecclesia eieci-
sumus. Quod si quæ tunc contigerunt, & omnem exce-
dunt tragœdiam, enarrare vellem; quis sermo ea explicar-
et? quæ auris sine horro perciperet? Cum autem illa,
quæ dixi, prætenderemus, ipso magna sabbato collecta
manus militum, ad vesperam diei in ecclesiis ingressa,
clerum omnem, qui nobiscum erat, vi eiecit, & armis
gradum vndique muniuit. Mulieres quoque, quæ per il-
lud tempus se exuerant, ut baptizarentur, metu grauior-
um insidiarum nudæ aufugerunt. Neque enim conce-
debatur ut se velarent, sicut mulieres honestas decet.
Multæ etiam acceptis vulneribus eiiciebantur, & sanguine
implebantur natatoria, & sancto cruore rubescabant
fluenta. Neque hic rerum finis erat: nam & sanctuaria
ingressi sunt milites, quorum aliquos scimus nullis ini-

tatos mysteriis, & viderūt omnia quæ intus erant. Quin & sanctissimus Christi sanguis, sicut in tali tumultu contingit, in prædictorum militum vestes effusus est: fiebantque quasi in Barbarica captiuitate omnia. Vulgus enim in solitudinem fugabatur, populus omnis extra ciuitatem versabatur, erantque in tanto festo vacuae ecclesiæ, & plures quam quadraginta episcopi, qui nobis communicarant, cum populo & clero sine causa fugabantur. Et ob prodigiosa flagitia, vbique per fora, per domos, per solitudines, per omnes ciuitatis partes, omnia lamentis, eiulatibus, fontibus lacrymarum, & id genus calamitatibus plena erant: & in tanto tumultu & trepidatione ac planctu erant omnia, ut non modo qui affligebantur, sed & qui nihil tale patiebantur; & non solum qui nostræ fidei erant, sed & hæretici, & Iudæi, & gentiles, quasi ciuitate capta, nobiscum dolebant. Talia ausi sunt præter sententiam pientissimi regis nocte profunda, episcopis hæc instruentibus, & vbique militib; nec erubescen-tibus, quod essent duces militum, & pro diaconis fatel-lites præeuntes haberent. Facto autem die, omnis ciui-tas extra muros sub arbores, & in nemora emigravit, ibi festum diem celebrans, quasi oues dispersæ. Liceat vobis ex his & cetera omnia pensare: nam omnia quæ facta sunt, sermone complecti, vt dixi, impossibile est. Est au-tem & hoc perquam molestem, quod talia tantaque ma-la nullum adhuc finem accipient: neque spes est, quod statim finiantur: sed augmentur in dies magis ac magis, nosq; multis ridiculi facti sumus: imo ridet nullus, etiam valde peruersus, lugent autem omnes propter extremam & inauditam hanc malitiam, malorum facile colophonem. Quid si quis dicet de turbationibus etiam in aliis ecclesiis postea excitatis? Non enim hic cessauit hoc ma-lum, sed usque ad orientem peruenit. Nam sicut a capi-te, quod malis humoribus plenum, & reliqua membra corrumpuntur: ita nunc quoque tumultus, qui in hac magna ciuitate coeperunt, quasi ex fonte in omnia loca effluunt, & clerici vbique in episcopos insurgunt, & epi-scopi ab episcopis, & populi a populis scissi sunt, & alii propediem scindentur, & expectatur vbique malorum partus, orbisque totius subuersio. Igitur domini maxime

K iij

venerandi & pii, cum hæc ita se habere didiceritis, studium vestrum, & magnam diligentiam adhibete, quo retundatur hæc, quæ in ecclesiæ irrupti, iniqüitas. Quippe si mos hic inualuerit, & fas erit cuius in alienam parochiam irrumpere, idque ex tantis interuallis, & eicere quos voluerit, & auctoritate propria quæque pro libidine sua facere; scitote quod breui transibunt omnia & totus orbis premetur bello non indicto, omnibus ab omnibus electis, & omnes eiicientibus. Quapropter ne confusio hæc omnem quæ sub cælo est nationem inuadat, obsecro ut scribatis quod hæc tam iniqüa facta, & absentibus nobis, & non declinantibus iudicium, non habeant robur, sicut neque sua natura habent: illi autem qui iniqüe egerunt, pœnæ ecclesiasticarum legum subiaceant: nobis vero, qui nec conuicti, nec redarguti, nec habiti ut rei, literis veltris & caritate vestra, aliorumque omnium, quorum scilicet & antea societate fruebamur, frui concedite. Si autem aduersarii nostri, qui ita iniqüe egerunt, adhuc fingunt crimina quædam, propter quæ nos iniuste eiecerunt, non datis nobis neque commentariis, neque libellis, neque manifestatis accusatoribus; agemus & tuebimur etiam nos libenter causam, monstrabimusque illos ipsos, non nos, reos esse eorum quæ nobis impungunt, sicut & plane innoxii sumus: & contra, quæ ab ipsis facta, contra omnem sunt honestatem, contra omnes leges, contra omnes ecclesiasticos Canones. Et quid dico Canones ecclesiasticos? Neque in gentilium iudiciis, neque in barbarorum tribunalibus talia attentata sunt vñquam. Neque Scythæ, neque Sauromatæ, vñquam iudicarunt, iudicium dandum vni parti, absente ea quæ accusatur, & vitante non iudicium, sed inimicitias, & inuocante multa millia iudicium, & protestante coram toto orbe declaraturam se non esse ream, depulsuramque crimina, & ostensuram suam innocentiam. Hæc igitur omnia cum ita se habere intellexeritis a Dominis meis pientissimis fratribus nostris episcopis, obsecro ut præstetis id quod petent officii. Quo non solum nobis gratificabimini, sed & ecclesiæ vniuersitati, mercedemque accepturi esitis a Deo, qui nihil non propter ecclesiæ pacem fa-

cere dignatur. Semper vale, & ora pro me, domine dignissime & sanctissime.

N O T A.

* *Ioannes.*] Ioannes Chrysostomus episcopus Constantinopolitanus, per factionem Theophili Alexandrini episcopi, instigante imperatrici Eudoxia, in exilium pulsus, & paulo post, ob populi seditionem, reuocatus, ac rursum, non multo post, per eamdem factionem electus; Innocentium papam, legatis & literis missis, appellauit, ut pro sua auctoritate, se inimicorum factione oppressum, tueretur, & ecclesiarum perturbationi prospiceret. per eosdem etiam legatos scripsere quadraginta episcopi qui Ioanni communicaabant, & clerus Constantinopolitanus. Innocentius rei indignitate vehementer commotus, Synodo Romæ habita, communionem quidem utriusque partis admisit, sed Theophili iudicium irritum esse decreuit, & Synodum orientalium & occidentalium, missis legatis, fieri oportere censuit. Legati inscio imperatore, & imperatrici agente, male accepti, & vexati, cum nec mandatorum exponentiorum facultas eis permitta fuisse, Romam reueterunt. Interim Ioannes per diuersa loca raptatus moritur. Quibus omnibus Innocentius plurimum indignatus, imperatori & imperatrici sacris interdicit: Theophilum excommunicat, & deponit: Vrsacium, qui viuenti Chrysostomo substitutus fuerat, etiam defunctum, exautroratum, & numero episcoporum excludit: Atticum suspendit, & donec eius causa cognoscatur, Proclo Cyrici episcopo ecclesiam Constantinopolitanam regendam committit. Post vero, cum Arcadius, & in Ioannis calumniatores vindicasset, & absolutionem pro se atque vxore efflagitasset, Innocentius rescripsit. Confirmato animo accedite ad Dominica symbola, iubete Ioannis nomen sacris tabellis inscribi. Quæ enim aduersus Ioannem gesta sunt, nos auctoritate fratri S. Petri eximii apostolorum principis, discussis causis docebimus ex animo sanguinario processisse. Sed de hac tota causa, vide Socr. lib. 6. Sozom. lib. 8. Palladium & Gregorium Alexandrinum in vita Chrysostomi; præter Nicephorum lib. 13. Baron. anno 404. num. 20. & sequentibus.

E P I S T O L A XXVIII.

I N N O C E N T I I P A P Æ I.

A D S. IOANNEM CHRYSOSTOMVM.

Ioannem Chrysostomum a sua ecclesia exulanter consolatur.

TA M E T S I innocentem bona omnia expectare, & a Deo misericordiam petere conueniat: tamen nos quoque, qui tolerantiae malorum suasores sumus, literas

Verfa e
Græco Ni-
ceph. Calli-
st. 13. c. 32.
Sozomen.
lib. 6. c. 26.